

綠煙瑣窓集

綠煙瑣窓集

綠煙瑣窓集

中華民國六十六年九月初版

綠煙瑣窗集

線裝一冊定價新台幣一〇〇元

版權



所有

著作者 清·富 蔡明義

發行人 劉修橋

印刷及發行所 新文豐出版有限公司

台北市雙園街九十六號
臺北郵政三六四三信箱
登記證：局版臺業字第〇六四九號
郵政劃撥：一九七五·三八一八六二四
電話：三三一九七五·三八一八六二四

出版說明

綠煙瓊窗集，清富察明義撰。全書按詩體類編，各冠以「綠煙瓊窗集」集名。但書面却題作「綠煙瓊窗集詩選」，由此可見此集非明義的詩作的全集。集中七絕有「題紅樓夢」詩二十首，大家認為可作研究紅樓夢的參考。現在，我們據南京圖書館藏舊鈔本影印。

綠煙瑣窓集詩選



綠煙瑣窓集



富察氏明

義我齋著

四言古詩

題林瀟溪竹苞松茂圖

聿彼蒼松在彼幽岑清音自賞歲寒知心緊嗟竹
兮於苞於籜志不可屈節不可奪梁棟之材不用
何憂虛以居心於道焉求既貞其質亦高其操大
夫君子是則是效

綠煙瑣窓集



富察氏明 義我齋著

五言古詩

次寤言韻

鬱鬱官柳道。幾度變鳴禽。我來秋正初。涼風不滿襟。
襟積潦橫道路。木香連阡陰。葦間殷蛙鼓。葉底度
蟬琴。羨彼野塘鷗。載浮而載沉。佳景隨處有。樂地
豈難尋。少壯何所營。衰髮忽于今。岡巒亘西北。中
有好泉林。退耕志不遂。往返空懷吟。驅馬繞湖陂。
日暮荷香侵朱華。綠池句高調。誠堪欽。悠哉鄴西

園千古醉人心。

雜感詩用古詩十九首韻

高冠何我。長缺光陸離。花甲行欲半。餘生亦有涯。但憂名不成。豈愠人不知。晨興折蘭華。日暮攬瓊枝。佳人日已遠。坐期坐已緩。春夢亂如雲。迷塗往不返。鳩啼芳草歇。鴉歸紅日晚。急欲報深恩。平生無一飯。

我心已如灰。我肘任生柳。冥然戶下坐。鴉雀亂窺牖。苦酒時潤脣。好書不釋手。疇能為家計。學彼米鹽婦。命苟當饑寒。銅山亦空守。

元相調玉燭。四海安於石。行路無戒心。我亦樂為客。親聊有貺。裝具頗從薄。揚鞭策駕馬。暫爾辭京洛。生為大丈夫。屑羞營索。身又非狡兔。何用多窟宅。蛟龍蟠井中。屈護不盈尺。一朝振鱗飛。豈是饑寒迫。西伯拘于商。尼父困於陳。其行豈不臧。其用豈不神。胡為蒙垢耻。不能披其真。身遭持共棄。名與道俱申。致令萬代下。匍匐拜塵大哉。海水波浩。無涯津。

游陶然亭有序另錄

毛公天下士。公子禮數優。殷勤惜別意。致酒凌高
邱。曠哉陶然亭。使我開心眸。霞雲虛景入。灌木清
音留。蛙聲連葦岸。鷺下迴莎洲。長檐架蘿幔。方畦
激清流。肩背倚神京。直欲撫九州。徘徊未終極。霞
起金烏收。車馬已促駕。足跡尚勾留。勝地創不易
芳春去何道。追惟作者心。望爾新詩酬。

灤陽官舍即事

烏桓古邊地。灤陽今行都。山川勢盤鬱。草木綠
扶蘇。遥望女牆中。殿閣陵空虛。飛簷帶廣廈。高下
千萬區。僧冠何我。乃象指南車。鍾峰拔孤莖。石

別勉齋

白雲在中天。可望不可即。嗟哉此送子。我心誠非
石。世路多險艱。善自保舉止。我言止於斯。君行亦
茲始。

題張幼慈都門握別圖次羅兩峯韻

居庸古塞門。是我舊經路。別席叩征途。君言此中
去。關溝客者千。壯騎愁着鞭。羊河水深濶。濁浪拍
華韉。緩程與急驛。彼此不同勢。今我話前踪。竟成
隔兩世。余去春出使烏拉蘇台。日馳四百餘里。夜渡
羊河。幾被洪濤所掩。至今言之猶不禁。
已歎治所遠。邊陲官遊何日歸。臨岐一執手。祝爾
領無違。

綠煙瑣窓集



富察氏明

義我齋著

七言古詩

雲麓六兄南征書扇送之

南方炎熱不可到。况乃從軍於夏時。綌絺豈能禦
天石。鐵甲生焰愁膚肌。唯君知義不避難。請纓搖
轡出京師。祖筵下馬別親友。一二素好尤推悲。各
出所愛贈行客。盡是雕金琢玉極窮奇。而我探袖
出一扇。百錢之值奚爾為。衆人相視掩口笑。唯君
手受而心知。意云武侯提蜀卒。白羽所向皆披靡。

五月渡瀘擒孟獲。風流儒雅宛在茲。君今此時臨
此地。更持此扇追雄姿。暑塵戰汗何以解。時時搖
拂生涼颼。暇時獨坐一展玩。悲來抗韻讀其詩。因
詩憶人更展扇。恍如對面于天涯。比金比玉誠不
足。有時或恐而相宜。吁嗟行矣從此一揮手。直愿
明年功成歸國。猶值此瓜期。

雲麓六兄南征書扇寄之

前扇逐君去已遠。後扇訪君何日見。時不識熱
還無。寄去朱炎猶赤煽。因我思君畏君熱。不寄文
鱗寄便面。恐君見扇復思書。並把所書之上扇。吁